

Leev Tante Finchen,

ech moß emol wat losswähde. De Schötze en dinne Schötzeverein send jo manchmol e besske never d'r Kapp. Do plane e paar johde Jonges över a janze Johr et Oktoberfest, weil de Lütt von de Kermesbude dä Termin so han wollte; dont överall Werbung make - sojar em Radio woher ene von denne zo höre - on dann kütt doch en janze Kompanie nit zom ejene Fest, weil se woangers enjelade wohre!



Jo, do fällt mech doch jlatt e Ei us de Box. Ech jlöv, de domolije Kompaniemakedores von denne hätt sech em Jrab e paarmol erömjedrieht. Sojett häddet bei dem nit jejove. Äwer wie m'r so höht, hant jo bei denne ehr Kompanie de Wiewer jetz et Sare. Dat kann nit joht jonn, wenn de Madämkes em Schötzeverein wat zo kamelle hant; dat hätt och denne ehre fröhre Makedores emmer jesaht. Ech kann mech joot vörstelle, dat de Lütt, die dat Oktoberfest met vell Ärbitt on Zietopwand orjanisiert hant, dat et näste Mol nit mie make wolle, wenn schon de ejene Schötzebröder nit komme! Dat wör äwer schad, denn de Bajuwarische Kapell, de leckere Haxe, ons lecker Dröppke on och dä Fröhschobbe et Sondachs met de Olympiad' hant mech saujoot jefalle. Do fällt mech ejentlech nur de ene Sproch us min alde Bibel en :“Oh Herrjöttsche, verzeih' denne, se wesse nit wat se dont.....!”

Wat ech diss Dach an de Thek opjeschnappt han, konnt ech esch nit jlöwe. Zwei Schötze verzellten sech jet öwer neue Oplare för de Jurend. Do soll ons Vatter Staat - gesäjent sin Heilichkeit - em Zosammehang met e neu Waffejesetz (Erfurt lött jröße) von de Jurendbetreuer nit nur de oblijatorische Waffesching,ne, och ne Jurendusbildungssching verlange. No ons deutsche Jröndlichkeit es bes hehin, för alles en Rejel parat zo han, noch alles em Rahme. Äwer dä Knüller es dä, dat dä Jurenduswies af dem 1.4.2003 bendend vörjeschrewe sin soll, doför äwer noch jar kin Rechtlinie opjestellt wohde send, wie dä uuszosenn hätt!!!

Leev Tante Finchen, ech bett dech, donn die met jrenzenloser Profilneurose usjestattete Fachidiote on Ätzezäller stoppe! Dat hätt nämlisch nix mieh mem alljemeine „Amtsschemmel“ zo donn, sondern es janze einfach nur noch als „Doofheit“ zo betitele!

Zom johde Schloß noch e Wohd zom sojanante „Dreck weg Dach“.

De Hasseler scheine dä Bejreff nit zo kenne. En onser sons so schön Veedel, süht et en manche Stroße us, wie op en Kipp - vör allem längs em Kerkhoff. Do sollten sech de Hasselaner mol oprappele - ne Bāse on e paar Müllbūdele schnappe - on och jet dojāje donn!

So, jenoche jeschrewe, bes zom Schötzevest alles Johde

Din Hänschen

